



**Иосифо-Волоцкий
ставропигиальный мужской
монастырь**

Прѣисѣфъ

Волоцкїи



1479 год

НОСИФО-ВОЛОЦКІЙ
МОНАСТЫРЬ

ПРЕПОДОБНЫЙ ИОСИФ ВОЛОЦКИЙ

Акафист

Житие

Из истории обители



Издательский Совет
Русской Православной Церкви

Москва • 2008




ББК 86-372
П 71

По благословению
Святейшего Патриарха
Московского и всея Руси
АЛЕКСИЯ II

Преподобный Иосиф Волоцкий: Акафист. Житие.
П 71 Из истории обители. — М.: Издательский Совет Русской
Православной Церкви, 2008. — 40 с.

ISBN 5-88017-074-8

© Издательский Совет
Русской Православной Церкви, 2008 г.



АКАФИСТ
преподобному отцу нашему
ИОСИФУ,
Волоколамскому чудотворцу

Кондак 1

Избранный угодниче Христов и дивный
благочестия подвижниче, преподобне
отче (наш)* Иосифе, иже сугубый свыше
дар приемый боговедения же и исцелений,
яко имеяй дерзновение ко Святей Троице,
моли избавитися нам от находящих бед и скор-
бей и болезней, да любовью зовем ти: **Р**адуй-
ся, преподобне отче (наш) Иосифе, богомудре,
чудотворче.

Икос 1

Ангела во плоти ты ведуще, преподобне
Иосифе, посланна от Бога, да явит то-
бою в человецех образ истинного благочестия

* В Иосифо-Волоцком монастыре при обращении к преподоб-
ному добавляется *наш*.

и добрых дел, чудящися путём Его, во времени житий твоём явленным, и величие благоутробия Его прославляюще, во умилении сердечном взываем ти сице:

Радуйся, добраго корене отрасли благородная; радуйся, лозо винограда Христова многоплодная. Радуйся, чадо молитвы родителей благочестивых; радуйся, надеждо и утешение сердец их боголюбивых. Радуйся, издетска страх Господень стяжавый; радуйся, семя слова Божия от юности восприявый. Радуйся, измлада смирения и молчания хранителю; радуйся, молитвы и воздержания ревнителю. Радуйся, преподобне отче (наш) Иосифе, богомудре, чудотворче.

Кондак 2

Видя Христос благое сердца твоего изволение и рачение, яко от юности немолчно прославлял еси имя Господне чтением и пением псалмов и песней священных во святем храме Его, в скитии небесней вчини ты, преподобне, в лице праведник совершенных, возносити ему купно с ними ангельское пение: Аллилуия.

Икос 2

Разумев от писаний отеческих благих мира сего тщету, исход же от временнаго сего жития непрестанно помышляя и пребывая при-

сно в сокровенном подвиге молитвы, никакоже сердцем прилепился еси к сущим от мира, разве точно к единому достойнейшему от сверстник твоих, с нимже и путь богоугоднаго иноческаго жития от дней отрочества предызбрал еси, преподобне. Темже ублажаем тя сице:

Радуйся, цвёте благоуханный добраго воспитания; радуйся, сосуде Божественнаго избрания. Радуйся, в разуме Богом просвещенный; радуйся, сердцем в Бозе утверждённый. Радуйся, образе содружества непорочнаго и нелестнаго; радуйся, вседушевно взыскавый царствия небеснаго. Радуйся, преподобне отче (наш) Иосифе, богомудре, чудотворче.

Кондак 3

Бурю помышлений мирских препобеждая благодатию Христовою, помыслом лучшим востекл еси к небесным, преподобне, в горняя вперив ум твой безмятежный и безстрастный, и волю всецело покорив под иго Христово, тело же твоё соделал еси жилищем Духа Святаго, отнюдуже и в телеси, яко безплотен, со безплотными взывал еси Богу: Аллилуия.

Икос 3

Ревность имеяй о совершенном житии христианстем и от писаний отеческих научен, еже вдати себе в послушание искусну

руководителю и наставнику нелестну, в юности родители твоя оставил еси, преподобне, и положил еси в сердца твоём просити духовнаго старца Варсонофия, да аще что речёт, буди то тебе, яко слово Самаго Бога, еже и свершися во благое Божиим устройением; сего ради, толикое веры твоея упование ублажающе, взываем ти:

Радуйся, яко любезная и красная мира сего презрел еси; радуйся, яко небесных и нетленных желанием возделел еси. Радуйся, внутреннею Креста Христова красотю восхищенный; радуйся, силою свыше на труд крестоношения облеченный. Радуйся, волею твердою воли своея отрекийся; радуйся, отсечением страстей угодивый Богу и спасыйся. Радуйся, преподобне отче (наш) Иосифе, богомудре, чудотворче.

Кондак 4

Силою любви Божия влеком к вѣщшему жития иноческаго совершенству и мудро послѣдуя совету и благословенію прозорливаго и святаго старца Варсонофия, пришёл еси во обитель преподобнаго Пафнүтия и того умолил еси прияти тя в послушание, да купно с ним в трудѣх и подвижех вѣну благоугождаяй Богу, воспеваеши: Аллилуія.

Икос 4

Провидя духом благое произволение юноши, чистоту же душевную и благодатное призвание его, преподобный Пафнүтий абие* облече его во иноческий образ и возложи на него послушаний, яже со усердием в простоте и в терпении мнозе исполняше, яко быти ему образом непрекословнаго повиновения, труда и благочестия; темже ныне зовем ему сиче:

Радуйся, тесный путь спасения от юности возлюбивый; радуйся, ярём Господень на вѣю свою возложивый. Радуйся, священными обеты волю свою связавый; радуйся, себе и весь живот свой Господеви предавый. Радуйся, коемуждо во благо усердный служителю; радуйся, болящих и немощных упокоителю. Радуйся, помыслы плотския силою молитвы прогоняяй; радуйся, сомнящихся в вере словом Божиим утверждаяй. Радуйся, преподобне отче (наш) Иосифе, богомудре, чудотворче.

Кондак 5

Божественною любовью распалаем, и ближних твоих, иже в мире, не отвергся еси сердцем, преподобне: слышав бо старца отца твоего в расслаблении телесном суща, умолил еси преподобнаго Пафнүтия во

* абие — скоро, тотчас

обитель тогó прияти и надóлзе послужил еси болящему родителю твоёму, со всяким рачением призирая его и питая, телесне рукама твоима и духовне словом Божиим, до самыя кончины, яко тому взывати к тебе: «Не аз ти отец, но ты ми отец еси». Сей убо труд любви твоея сыновния восхваляюще, яко жертву богоприятну, поем: **Аллилуия.**

Икос 5

Имый во обители осмьнадесять лет жития в послушании, бдении, пощении и научении писанием святых и духовных отец, егда настá час блаженных кончины преподобнаго Пафнутия, начальствовати по нем, аще и не хотяй, призван был еси и во пресвитера поставлен, да управиши добре собранное им стадо Христово; ты же вмале начальствовав, паки управляем восхотел еси бйти, да преумножиши добродетелей нетленная сокровища. Темже, дивящися ревностному добротолубию и смиренномудрию твоему, вопием ти:

Радуйся, лишении телесными многа блага духовная собравый; радуйся, нищетю дарования небесная стяжавый. Радуйся, молчания изрядный хранителю; радуйся, строгих уставов иноческих блюстителю. Радуйся, болящим, яко братии Христовой, послуживый; радуйся, высокий образ любви сыновния явивый. Радуйся, власти над другими и чести

уклонивыйся; радуйся, паки, яко слуга незнаемь, во обитель Кириллову вселивыйся. Радуйся, тамо брашна уготовляти определенный; радуйся, и в рубище рабством познанный и обличенный. Радуйся, преподобне отче (наш) Иосифе, богомудре, чудотворче.

Кондак 6

Купцу уподобился еси, ищущему добраго бисера, Иосифе преподобне, егда в послушании и всяцем подвиге духовнем благоискусен быв, обители иноческия посещал еси: да испытно познаеши в тех лучшая и совершеннейшая и приусвоиши на пользу душ стада твоего словеснаго, еже радостию великою возрадовася возвращению твоему, благодарственне взывая Пастыреначальнику Христу: **Аллилуия.**

Икос 6

Слышав благоверный князь Борис о пришествии преподобнаго Иосифа в его пределы, изшед усердно моляше и, да избрет в его наследии место, да соградит на нем святую обитель и пребывает в ней со иноки, еже и свершися, дыханию бурну указующу место, и устроися рачением князя, паче же благословением Божиим по молитвам преподобнаго, емуже с любовью взываем сие:

Радуйся, высоких подвигов жития христианскаго ревнителю; радуйся, новоначальных

искусный руководителю. Радуйся, неизменное правило поста и покаяния; радуйся, хранителю непрестанного воздержания. Радуйся, мирским наставниче жизни богоугодная; радуйся, основателю обители благоплодная. Радуйся, яко благая начинания твоя Христос благослови; радуйся, яко сотрудника тебе в лице державнаго яви. Радуйся, преподобне отче (наш) Иосифе, богомудре, чудотворче.

Кондак 7

Велие стяжав сокровище любве, преподобне, якоже во дни первых христиан, имже бе сердце и душа едина и от нихже никтоже от имени глаголаше что свое быти, судил еси и во иноцех обители твоея, яко изволением сердца отвѣргшихся мира и его стяжаний, уставити сицеваго жителства образ, да вси вкупе едино взыщут стяжание вечное, Бога, Емуже и да взываютъ вину: Аллилуия.

Икос 7

Новаго Феодосия, общих житий начальника, зрит в тебе страна Россійская, преподобне отче Иосифе, якоже бо той, иноческия обеты восприяв, всем сердцем и душою уставом общаго иноческаго жития предан баше, сице и ты, сим шествуяй путем, в терпении мнозе заповедем общежития святых

отец неуклонно последовал еси, темже от чуждых ты слышиши таковая:

Радуйся, общее житие монашествующих основавый; радуйся, тем всеоружие благочестия им подавый. Радуйся, общими труды праздных помыслов шатания упразднивый; радуйся, теми, яко броней, страстей разжженных стрелы отразивый. Радуйся, вселивый во обители дух общаго воздержания; радуйся, потребивый в ней плевелы любостязания. Радуйся, бодрствованию духовному многи иноки научивый; радуйся, до конца жития первый в труждающихся бывый. Радуйся, преподобне отче (наш) Иосифе, богомудре, чудотворче.

Кондак 8

Странник пришел еси в пустыню отечества твоего, преподобне, и абие домовладыка явился еси Богу, преклоньшу сердце во власти сущаго благовернаго князя Бориса, еже послужити от имени своих на созидание церкви каменных на месте сем, благоукрасити же ю боголепно, и келлии воздвигнути множащимся братьям, да и zde сими, яко на небеси святыми Ангелы, возносится песнь Богу: Аллилуия.

Икос 8

Видяще ревностное по Бозе и жестокое житие преподобнаго Иосифа и братии, непрестанно в трудех и пощении подвизающихся

и ходящих в рубищных и худых одеждах, нецый от инок и всякаго чина мирских людей и князей не точию сих не отвращахуся, но паче ревностию духовною горяще и во обители купно с ними подвизатися желаяще, приношаху ту имения своя на пользу общую; темже здателю тоя возглашаем тако:

Радуйся, мудре предначертавый обитель нову; радуйся, поревновавый нищетолюбному житию Христову. Радуйся, святых храмы во обители создавый; радуйся, мног собор монашествующих собравый. Радуйся, яко труд твой свыше благословися; радуйся, яко святое желание сердца твоего совершися. Радуйся, яко во обители твоей мнози души своя спасоша; радуйся, яко из нея пастыреначальницы изыдоша. Радуйся, преподобне отче (наш) Иосифе, богомудре, чудотворче.

Кондак 9

Всем сердцем возлюбивый Бога и многа дарования духовная от Него восприемый, преподобне Иосифе, и пред человеки толику благодать обрел еси, яко не точию мнози от простых, но и князи, требующе твоих наставлений, в послушание тебе вдаху себе совершенно, имже миротворец был еси, исходатайствовав благоволение самодержца князю Юрию, иже неповинне оклеветан, под страхом смертным бяше, избав-

лен же быв, в радости душевной возопи Богу: Аллилуия.

Икос 9

Благодать Божественная, привлекаемая молитвами преподобнаго, яве знаменая в нем дарования чудотворений и ведением сокровенных: умерша бо благочестиваго князя Иоанна молитвою своею возбуди, да конечно предуготовится покаянием и воспримет залог жизни вечная, и тако да отидет ко Господу; темже, во гресех живущии и действенаго возбуждения на покаяние требующии, возопиим к нему:

Радуйся, благочестивых отрадо и утешение; радуйся, колеблющихся в вере твердое ограждение. Радуйся, отчаяющихся утверждая во уповании; радуйся, просветивый многих твоими писании. Радуйся, мир посреде враждующих устрояя; радуйся, неповинных от смерти избавляя. Радуйся, умирающих возставляя на покаяние; радуйся, всем внушая жизни вечная зыскание. Радуйся, шествовавший путем трудным и тесным; радуйся, возводяй других к обителем небесным. Радуйся, преподобне отче (наш) Иосифе, богомудре, чудотворче.

Кондак 10

Новоустроенну обитель преподобнаго Иосифа испытá Господь посещением гнева Своего, купно же и милости: за грехи бо

людскія глад крѣпок наведе на зѣмлю Волоколамску и на вся окрѣстныя вѣси, яко многим людем безгодно погибати. Преподобный же, увѣдев сѣя, усугуби во обители молѣние и от вѣрзе житницы тоя алушим; раздав же вся сущая и не могый ктому не точию тысящ пришедшаго народа, но ниже братии своея препитати, послал заимовати на обитель сребро, и куплю дѣяй семен хлѣбных, никакоже остави требующия погибати глѣдом, дѣтем же их малым особь создѣ дом, дондеже державный благочестивый Князь Василій, слышав сѣя, внезапно прииде во обитель и дарова довольная ко призрѣнию бѣдствующих, иже, видяще в сем милосѣрдующую руку Божію, во умилѣнии сердѣц вознесоша хвалѣбный глас Бѣгу: Аллилуія.

Икос 10

Благому изволѣнію державнаго послѣдующе, мнози от военачальник и князей удѣльных и иных христіюбцев богатая даянія в обитель Иосифову приношаху, яко всем пришедшим к ней глѣда ради безбѣдно в дѣмы своя возвратитися и новым избылием благословитися обители преподобнаго, к нему же взываем ныне:

Радуйся, надеждо свѣтлая в нуждѣ и обстояніи сущих; радуйся, покровителю сѣрых и крова неимущих. Радуйся, глѣдом погибающих питателю; радуйся, чадом их виталища созида-

телю. Радуйся, милости истѣчнице неистощимый; радуйся, скорбящих утѣшителю незримый. Радуйся, послѣдняя твоя взаим Бѣгуви давый; радуйся, добрым растѣченіем сущих богатая собравый. Радуйся, преподобне отче (наш) Иосифе, богомудре, чудотворче.

Кондак 11

Вѣдый от Божественных писаний, яко един уповающий на Господа поженет тысящи, и два двигнета тьмы,* не убоился еси, преподобне, един со святым Геннадіем сонмищу сильных побѣрников сѣтных лжеучений противустати, и оружіем истины в концѣ сих поразил еси: вси бо разсѣяшася, яко прах пред лицем вѣтра, тебѣ же благодарственно сердцем и усты взывающе: Аллилуія.

Икос 11

Вѣруяй в Мя, — рече Господь, — реки от чрева его истекут воды живы.** Ся убо в тебѣ оправдишася, досточудне Иосифе: не бо священным догматом богословія во училищи некоем наставлен был еси, но сам живою верою сердца взыскуяй Бѣгу, истину обрел еси в словѣ Бѣгуи и писаниих отѣческих и явился еси оплот неборим Православия. Тем же взываем ти:

* Втор. 32, 30.

** Ин. 7, 38.

Рáдуйся, лжеучителей злых лукавство разоривый; радуйся, сомнящихся в православней вере утвердивый. Рáдуйся, бодрый учения Христова защитниче; радуйся, боголюбивою ревностию возжженный светильниче. Рáдуйся, благопотребне во отечестве твоём возсиявый; радуйся, веру в делах жития твоего показавый. Рáдуйся, разумных и препростых благоискусный учителю; радуйся, ближних и дальних россиян просветителю. Рáдуйся, преподобне отче (наш) Иосифе, богомудре, чудотворче.

Кондак 12

Міру водворившуся в Цѣркви, дух злѣбы пáки, пáкости дѣя, подвигну сѣрдце волюцкаго владѣтеля корысти рáди многа смущения и утеснения творити обители, еще же и осуждение неправедно воздвигнути на преподобнаго, еже и падѣ на главѣ осудившаго, собором бо священным преподобный Иосиф с великою честию оправдан бысть, присно воспевай Богу: Аллилуія.

Икос 12

Течение жития скончавая в трудѣх и молитвах и подвигах благочестия, завеща преподобный неизменно хранить преданный им устав, знаменательне прирек: аще получу от Бога милость, то обитель сия ничимже скудна будет. И тако, завесу плоти отложив, отыде ко

Господу и по сих исцеления подаваше больным, приходящим с молитвою к его мощем. Сего ради приносим ему похваления таковая:

Рáдуйся, чистоты душевныя хранителю нелицемерный; радуйся, истинный рабе Христов, благий и верный. Рáдуйся, стрелами вражиих навет неуязвимый; радуйся, спасаемых вождю непобедимый. Рáдуйся, досточудный образе терпения; радуйся, наставниче неместнаго благоговения. Рáдуйся, и по отшествии обитель твою соблюдаяй; радуйся, молящимся благопотребная подаваяй. Рáдуйся, от Господа венец правды восприявый; радуйся, славою чудотворений просиявый. Рáдуйся, преподобне отче (наш) Иосифе, богомудре, чудотворче.

Кондак 13

О преподобне и богоносне отче (наш) Иосифе! Воспоминающе ныне подвиги и труды твоя, яже о Христе содеянная, мы, грешнии и недостойнии рабы твои, смиренно просим тя: моли Милостиваго Бога, да дарует мир жительству нашему и Цѣркви Своей Святей, да оградит ю от всех душепагубных и безбожных учений, нам же да подаст вся благопотребная в житий сем, и в будущем веке да сподобит нас воспевати Ему: Аллилуія.

Этот кондак читается трижды, затем 1-й икос: Ангела во плоти... и 1-й кондак: Избранный угондиче....

Молитва преподобному Иосифу Волоцкому

О великий наставниче, ревнителю и учителю православных веры, святе премудре Иосифе! Приими моление нас, грешных, тебе приносимое, и теплым предстательством умоли в Троице славимаго Бога, да низпослет богатая Своя милости нам, грешным, да утвердит во Святей Своей Православней Церкви правую веру и благочестие: пастырем ея да подаст святую ревность о спасении словеснаго стада, яко да верующих соблюдут, неверующих же и отпадших от истинных веры вразумят и обратят. Нам же всем испроси вся благопотребная во временном сем житии и полезная к вечному спасению нашему. Помяни стадо твое, еже собрал еси, не забуди посещати чад твоих и, яко чадолюбивый отец, не презри, ниже отрини моления наша, но воздежи руке твоей молитвенней ко Господу Богу, да отложит праведный гнев Свой, движимый на ны, и избавит нас от враг видимых и невидимых, от глада, потопы, меча, смертоносных язвы, нашествия иноплемennых и междоусобных брани. Ей, милосердый заступниче наш, преславный чудотворче, всех нас управи в мире и покаянии скончати живот наш и преселитися со упованием в блаженныя селения райская, идеже непрестанно славословится всепетое имя Отца и Сына и Святаго Духа. **Аминь.**

Молитва вторая

О преблаженне и приснославне отче наш Иосифе! Ведуще твое велие к Богу дерзновение и к твоему твердому заступлению прибегающе, в сокрушении сердца молим тя: озари нас светом дарованных тебе благодати, и молитвами твоими помози нам бурное море жития сего преити безмятежно, и пристанища спасения неблаженно достигнути: поработи бо суще светлыми, и грехолюбиви, и немощни еже от обышедших нас зол возникнути, к кому прибегнем, аще не к тебе, явившему неоскудеваемое богатство милости в земном житии твоём? Веруем же, яко и по отшествии твоём множайшее стяжал еси дарование милосердовати бедствующим. Темже убо, припадающе ныне к цельбоносней иконе твоей, умиленно просим тя, святче Божий: сам искушен быв, помози и нам, искушаемым; постом и бдением поправый силу демонскую, и нас от нападений вражиих защити; препитаемый гладом погибающих, и нам испроси у Господа изобилие плодов земных и вся яже ко спасению потребная; посрамивый еретическая мудрования, Церковь Святую от ересей и расколов и смущений молитвами твоими оградь, да тоже мудствуем вси, единым сердцем славяще Святую, Единосущную, Животворящую и Нераздельную Троицу, Отца и Сына и Святаго Духа, во вся веки. **Аминь.**



ПРЕПОДОБНЫЙ
ИОСИФ
ВОЛОЦКИЙ

Акафист
Житие

Из истории обители

Богослужебное издание

ЛП № 05181 от 25.06.01

Подписано в печать 13.05.08

Формат 60x100/16. Печать офсетная.

Тираж 10 000 экз. Зак.

Издательский Совет Русской Православной Церкви

119435, Москва, Погодинская ул., д. 20, к. 2

Оптовый отдел реализации: (495) 246–20–85, 246–52–08

Магазин: (495) 245–30–68